

Rete pwòch ak Jewova (1^{ye} pati)

Li baze sou chapit 19 liv *Ki sa Labib kapab anseye nou?* an ki disponib sou jw.org.

OBJEKTIF: Chèche konn plis sou sa w kwè yo ak rezon ki fè w kwè nan yo, egzamine sa Labib anseye epi chèche jwenn fason pou w esplike lòt moun sa w kwè yo.



SA SA VLE DI POU N RENMEN BONDYE?

1 CHÈCHE KONN PLIS SOU SA W KWÈ YO

Ki sa lòt moun gendwa di?

Ki sa ou menm ou kwè?

Poukisa w kwè sa?

Nou renmen Bondye paske nou gen rekonesans pou sa l fè pou nou.

(Gade chapit 19 liv *Anseye nou an*, paragraf 1-5.)

Li Sòm 91:2.

Ki sa Jewova fè pou moun ki gen konfyans nan li?

Li Sòm 37:29; Jan 3:16.

Ki fason Jewova demontre li renmen w?



Menm jan yon bon pyebwa pwodui bon fwi, se konsa tou aksyon yon moun ap montre si l renmen Bondye. — Matye 7:16-20.

Fason n reyaji devan lanmou Bondye se lè nou renmen l tou.

(Gade chapit 19 liv *Anseye nou* an, paragraf 6-9.)

Li 1 Jan 5:3.

Ki jan nou ka demontre nou renmen Bondye?

Li Ezayi 48:17, 18.

Ki byenfè n ap jwenn lè nou obeyi Bondye pou nou montre nou renmen l?

Ki byenfè *ou menm ou* te jwenn paske w te obeyi kòmandman Bondye yo?



ESPLIKE LÒT MOUN SA W KWÈ YO

SI YON MOUN DI W...

Bondye renmen tout moun, kèlkeswa sa yo fè.

OU GENDWA REPONN...

Se vre Bondye demontre yon gwo lanmou pou tout moun. Men, mwen panse aksyon nou gen enpòtans pou li paske...

Ki vèsè ou te ka li ak moun nan?

Ki jan w ka sèvi ak vèsè sa a toutpandan w ap reflechi ak pwennvi moun nan?

SI YON MOUN DI W...

M panse Bondye vle nou annik suiv sa lide nou di nou pou n konnen sa ki byen ak sa ki mal.

OU GENDWA REPONN...

Se vre Bondye ban nou yon konsyans. Men, mwen kwè nou bezwen direksyon ki nan Bib la tou paske...

Ki vèsè w te ka li ak moun nan?

Ki jan w ka sèvi ak vèsè sa a toutpandan w ap reflechi ak pwennvi moun nan?
